

Parlamen européen

Francés Alfonsi, aparaire di lengo regiounalo es tourn-mai deputa-éuropéen... (pajo 2)



Prouvènço d'aro

Tóuti li mes, lou journau de la Prouvènço d'aro

Juliet-Avoust de 2019

n° 356

2,10 €

Fuvèu à taulo!

Fuvèu : espetacle istourique : "À taulo!", istòri e gastrounoumio prouvençal

Dins aquesto annado de la Gastrounoumio, lou Ciéucle Sant Miquèu de Fuvèu vous prepauso un soupa-espetacle istourique dóu divèndre 19 au dilun 22 de juliet enjusqu'à 10 ouro de la niue.

Es possible de manja à parti de 8 ouro (plaço limitad), se fau dounc faire marca au 06.49.43.37.13 - cercle.stmichel@wanadoo.fr

La Fèsto se debanara dins lou Parque Saint Michel emé li "2000 an d'istòri en Prouvènço".

L'espetacle es uno fissioun istourico que lou centenau de figurant menaran lis espetatour dins l'istòri de la gastrounoumio prouvençal au travès de si grand cousinié (Auguste Escoffier), si grands autour (Daudet, Mistral...) e si grand persounage istourique (Rèi Reinié, Nostradamus...)

Un repourtage countara lou camin d'un grand cap prouvençal que fara lou bilans de sa carriero. Nous descrièura sis inspiracioun e aquéli vengudo d'un de sis ilüstri davancié, Auguste Escoffier. Descurbiren coume lou pichot nascu à Vilo-Novo-Loubet es devengu "le cuisinier des rois et le roi des cuisiniers".

Pièi, sara au travès l'istòri (di Rouman à Louis lou XIV^{en} passant pèr Nostradamus o lou rèi Reinié) e la literaturo (Zola, Daudet o Mistral) que descurbiren perqué Prouvènço rimo tant emé la gastrounoumio.

Emé la participacioun d'un centenau de figurant en coustume, d'efèt especiau, uno iluminacioun dóu site medievau de la Capello Sant-Miquèu permetran en tóuti de cabussa dins la grando e la pichoto istòri!

La biasso sus plaço es unicamen sus reservacioun. Repas gastrounoumique adouba pèr Reinié Bergès (Mèstre Cousinié de França)

Soupa + espetacle : divèndre + dissate + dimenche = 30 eurò pèr adulte / 10 eurò pèr li pichot.
Espectacle soulet : 12 eurò adulte / 8 eurò pèr lis enfant

Estello Baude

Calourasso en Prouvènço



L'Estivada 2019 de Roudés

Lou festenau "Estivada 2019" de Roudés se debanara dóu 18 au 20 de juliet sus l'Esplanado di Rutène, baiant aquest an uno plaço d'ounour à la Bretagno.

Pèr la serado de duberturo dóu dijòu 18 de juliet, Alan Stivell sara la figuro emblematico d'aquelo culturo celtico emé tambèn li Renés de Digresk, mèstre de l'estile festièu à l'entour de soun cantaire Jan-michèu Poisson.

Lou divèndre 19, la culturo óuci-

tano reprendra touto la "grando" sceno. Tres groupe asseguraran l'estrambord di festivaliè : la Béluga, Feramia e Dje Baleti.

Enfin dissate 20, un pau coume se faguè l'an passa emé Francis Cabrel e Glaude Sicre, l'Estivada veira uno creacioun dedicad au festenau. Tres groupe van releva lou desfis : Mauresca Fracàs Dub, Mask Ha Gazh e Goulamas'K que devendran pèr uno vesprado "Breishtivada".

Es d'efèt un rescontre inedit entre l'Óucitanio e la Bretagno que s'anóuncio proumetaire.

Coume à l'acoustumado, d'acamp noumbrous se tendran dins la vilo emai lis estand dis assouciacioun de defènso de la lengo presentaran si realisacioun : libre, disque e filme.

Pèr mai d'entre-signe :
Infos 05 65 77 88 00
www.ville-rodez.fr

Bourrouladis sus lou Port Vièi

Un ome de mino apensamentido se gandisse devers lou Palai Nòu...

Pajo 6

Resson de Santo-Estelo

Un nouvèu jouine Majourau es esta elegi à Pertus, Paulin Reynard...

Pajo 7

Rescontre d'estièu e Universita

Pèr aprene la lengo la chausido se presènto en país nimesen o aupèn...

Pajo 8